

立杜賣盡根業契人蘇英宗，有承父叔父水田連山埔壹處，土名新庄仔庄，其田業四至：東上截本業竹圍直透山頂天水流落至鄭家業爲界，而下截對直□至江家田爲界，又至東北角連低田叁坵在內；西至上截亦本業竹圍直透山頂天水流落爲界，而下截至大圳爲界，原帶西北角消水枱壹條；南至山頂天水流落爲界；北至古牛路今開小圳爲界，四至眼全經踏登載明白。界內原帶破茅屋四間及桂竹、荊竹、菓子、什木各等項亦在內，而田段帶食新庄仔壹拾壹份大坡水，應得叁分柒厘五絲正，定標飲水長流灌溉，年定納業主大租粟陸石玖斗零叁合正。今因欠銀別創，願將承管此業出爲杜賣盡根，先問房親叔兄弟侄人等俱不欲承受，外乃托中引就與錫口街私奉 天上聖母首事松興、植源、萬美等承買業租，以爲 聖母永遠祀資，遂三面議定時值賣起盡根業價值佛面銀柒百大員正。銀即日全中交收足訖，其此四至內水田、山埔、厝地、菓子、什木等項暨付聖母首事前向起耕招佃掌管，歷年按季收租崇祀聖母香煙，永爲聖母祀業，各不敢阻擋等情。保此四至內物業等件係，宗承管數世明白，與房親叔兄弟侄人等無干，亦無重張典掛他人及來歷交加不明等情。如有不明等情，係宗出首一力抵當，不干聖母之事。是承管此四至內各等件物業，係宗甘愿一賣千休，寸土無留，業賣既斷，價值既足。自今以後宗及子孫等永不敢言及此四至內物業貼找情弊。此係甘愿，永無反悔。口恐無憑，立杜賣盡根業契壹紙，繳墾批貳紙，約紙貳紙，計共五紙，付執管業，永遠爲炤。

即日全中宗收通契內杜賣盡根業價銀柒百大員正完足。再炤。

代筆人 詹維新 (花押)

爲中見人 林佛助 (花押)

在知見人 蘇全瑞 (花押)

信 (花押)

在場 知見人 男 能春 (花押)

振 (花押)

咸豐元年貳月

日立杜賣盡根業契人蘇英宗，